

osiguranja Kantona Sarajevo, na 27. redovnoj sjednici održanoj dana 31.10.2023. godine donosi

**ODLUKU
O PRERASPODJELI SREDSTAVA UNUTAR POZICIJA
RASHODA I KAPITALNIH IZDATAKA U
FINANSIJSKOM PLANU ZAVODA ZDRAVSTVENOG
OSIGURANJA KANTONA SARAJEVO
ZA 2023. GODINU**

Član 1.

Ovom Odlukom vrši se preraspodjela sredstava unutar pozicija rashoda i kapitalnih izdataka u Finansijskom planu Zavoda zdravstvenog osiguranja Kantona Sarajevo za 2023. godinu ("Službene novine Kantona Sarajevo", broj 16/23) kako slijedi:

- Pozicija 4.2. "Nabavka stalnih sredstava u obliku prava" na kto 821500 smanjuje se za 22.100 KM i to sa iznosa 5.158.520 KM na iznos 5.136.420 KM.
- Pozicija 2.14. "Sigurnost i zaštita IS - ZTA i dr." na kto 613991 povećava se za 22.100 KM i to sa iznosa 140.400 KM na iznos 162.500 KM.

Član 2.

U skladu sa članom 1. ove Odluke vrši se korekcija u članu 6. Finansijskog plana Zavoda za 2023. godinu na način da se u analitičkom prikazu sredstava planiranih za finansiranje nabavke stalnih sredstava u obliku prava u 2023. godini (pozicija 4.2. Finansijskog plana) u tabelarnom pregledu "4.2. 821500 Izdaci za nabavku stalnih sredstava u obliku prava" red deset mijenja tako da umjesto:

4.2	821500	ZTA (postupak pokrenut po Planu javnih nabavki iz 2022. godine)	409.500
-----	--------	---	---------

Red deset sada glasi:

4.2	821500	ZTA (postupak pokrenut po Planu javnih nabavki iz 2022. godine)	387.400
-----	--------	---	---------

Član 3.

Odluka stupa na snagu danom donošenja, a primjenjivat će se po dobijanju saglasnosti Ministarstva zdravstva Kantona Sarajevo.

Predsjednica
Upravnog odbora
Broj 01/2-02-2-16437-10/23 Prof. dr. **Jasmina Selimović**,
31. oktobra 2023. godine Sarajevo s. r.

Ministarstvo za rad, socijalnu politiku, raseljena lica i izbjeglice Kantona Sarajevo

Na osnovu člana 52. stav 1. tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 41. Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija ("Službene novine Kantona Sarajevo", br. 36/06, 8/12, 39/16, 13/22 i 41/22), ministrica za rad, socijalnu politiku, raseljena lica i izbjeglice Kantona Sarajevo, uz saglasnost Vlade Kantona Sarajevo, donosi

PRAVILNIK

**O IZMJENAMA I DOPUNAMA PRAVILNIKA O
UNUTRAŠNJOJ ORGANIZACIJI MINISTARSTVA ZA
RAD, SOCIJALNU POLITIKU, RASELJENA LICA I
IZBJEGLICE KANTONA SARAJEVO**

Član 1.

(Dopuna člana 8.)

U Pravilniku o unutrašnjoj organizaciji Ministarstva za rad, socijalnu politiku, raseljena lica i izbjeglice Kantona Sarajevo ("Službene novine Kantona Sarajevo", br. 32/22, 37/22 i 42/23) u članu 8. stav (1) iza riječi: "iz djelokruga rada Ministarstva" dodaju se riječi: "i po zahtjevima za utvrđivanje statusa organizacija osoba sa invaliditetom i organizacija civilnih žrtava rata. te statusa reprezentativnih organizacija osoba sa invaliditetom i reprezentativnih organizacija civilnih žrtava rata".

Član 2.

(Izmjena člana 20.)

U članu 20. stav (2) tačka b) mijenja se i glasi:

"b) vrši provjeru podataka u sistemu i izrada generisanih izvještaja i arhiviranje dokumenata po uputama;"

U tački g) riječ: "savjeta" zamjenjuje se riječju: "prijedloga".

Iza tačke i) dodaju se nove tačke j) i k) koje glase:

"j) planira razvoj i održavanje informacionog i komunikacionog sistema;

k) vrši unos materijala za sjednice E - Vlada".

Dosadašnje tačke j) i k) postaju tačke l) i m).

Član 3.

(Izmjena člana 29.)

U članu 29. stav (2) tačka g) mijenja se i glasi:

"g) vodi evidenciju udruženja i registar organizacija osoba sa invaliditetom i registar organizacija civilnih žrtava rata, te registar reprezentativnih organizacija osoba sa invaliditetom i registar organizacija civilnih žrtava rata;"

Član 4.

(Izmjena člana 42.)

U članu 42. stav (2) iza riječi: "rukovodi Odjeljenjem" brišu se riječi: "za finansijsku kontrolu Budžeta".

Član 5.

(Dopuna člana 45.)

U članu 45. stav (2) tačka b) iza riječi: "Ministarstva", dodaje se veznik: "i" i riječi: "po zahtjevima za utvrđivanje statusa organizacija osoba sa invaliditetom i organizacija civilnih žrtava rata, te statusa reprezentativnih organizacija osoba sa invaliditetom i reprezentativnih organizacija civilnih žrtava rata".

Član 6.

(Dopuna člana 46.)

U članu 46. stav (2) iza tačke g) dodaju se nove tačke h) i i) koje glase:

"h) održavanje informacionog i komunikacionog sistema;

i) vrši unos materijala za sjednice E - Vlada;"

Dosadašnje tačke h) i i) postaju tačke j) i k).

Član 7.

(Izmjena člana 47.)

U članu 47. stav (2) iza riječi: "rukovodi Odjeljenjem" brišu se riječi: "za finansijsku kontrolu Budžeta".

Član 8.

(Ostale odredbe Pravilnika)

Ostale odredbe ovog pravilnika ostaju na snazi.

Član 9.

(Stupanje na snagu Pravilnika)

Ovaj pravilnik stupa na snagu danom dobijanja saglasnosti od strane Vlade Kantona Sarajevo i objavit će se u "Službenim novinama Kantona Sarajevo".

Broj 13-05/1-30-41868/23

20. novembra 2023. godine

Sarajevo

Ministrica

Enda Pavić Pečenković, s. r.

Na ovaj Pravilnik Vlada Kantona Sarajevo dala je saglasnost na svojoj ___ sjednici održanoj _____ godine, svojim aktom broj _____ od _____ godine, a u skladu sa članom 52. stav (1) tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05).

OPĆINA CENTAR SARAJEVO**Općinski načelnik**

Na osnovu člana 7. stav (2) Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), člana 69. Statuta općine Centar Sarajevo - prečišćen tekst ("Službene novine Kantona Sarajevo", broj 23/04), općinski načelnik donosi

ODLUKU**O DOPUNAMA ODLUKE O STANDARDIMA I
KRITERIJIMA ZA IMENOVANJE NA POZICIJE U
REGULIRANIM ORGANIMA KOJA VRŠI OPĆINSKI
NAČELNIK OPĆINE CENTAR SARAJEVO**

Član 1.

U Odluci o standardima i kriterijima za imenovanje na pozicije u reguliranim organima koja vrši općinski načelnik Općine Centar Sarajevo (u daljem tekstu: Odluka) u članu 2. stav (3) dodaju se tačke f) i g) koje glase:

- f) da nije osuđivan za krivično djelo koje je nespojivo sa obavljanjem dužnosti predsjednika i člana upravnog odbora i predsjednika i člana nadzornog odbora javne ustanove,
- g) da nije osuđivan za prekršaj koji je nespojiv sa obavljanjem dužnosti predsjednika i člana upravnog odbora i predsjednika i člana nadzornog odbora javne ustanove."

Iza stava (4) dodaje se stav (5) koji glasi:

"Dokaze o ispunjavanju uslova iz stava (3) tač. f) i g) kandidati nisu dužni dostaviti uz prijavu, već dokaze o ispunjavanju navedenih uslova, za najuspješnije kandidate, nakon zahtjeva Komisije za izbor pribavlja služba nadležna za poslove iz oblasti kulture i sporta, u skladu sa pravilima krivičnog i prekršajnog postupka."

Član 2.

Ova Odluka stupa na snagu narednog dana od dana objavljivanja na oglasnoj ploči Općine Centar, a naknadno će se objaviti u "Službenim novinama Kantona Sarajevo".

Broj 13-30-623/23

29. novembra 2023. godine

Sarajevo

Općinski načelnik

Srđan Mandić, s. r.

Na osnovu člana 34. stav (3) Uredbe sa zakonskom snagom o ustanovama ("Službeni list R BiH", br. 6/92, 8/93 i 13/94), člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 34/03 i 65/13) i člana 69. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), općinski načelnik donosi

RJEŠENJE**O IMENOVANJU VRŠILACA DUŽNOSTI
PREDSJEDNIKA I ČLANOVA NADZORNOG ODBORA
JAVNE USTANOVE CENTAR KULTURE I MLADIH
OPĆINE CENTAR SARAJEVO**

I

Imenuju se vršioци dužnosti predsjednika i članova Nadzornog odbora Javne ustanove Centar kulture i mladih Općine Centar Sarajevo, i to:

1. Zoran Jovetić, predsjednik
2. Ermin Panjeta, član
3. Senad Bostandžić, član

II

Imenovanje iz tačke I ovog rješenja vrši se do okončanja procedure javnog oglasa i konačnog imenovanja, a najduže na period od tri (3) mjeseca.

III

Ovo rješenje stupa na snagu danom donošenja i objavit će se u "Službenim novinama Kantona Sarajevo".

Broj 13-36-69/23

24. novembra 2023. godine

Sarajevo

Općinski načelnik

Srđan Mandić, s. r.

Na osnovu člana 34., a u vezi sa članom 35. Uredbe sa zakonskom snagom o ustanovama ("Službeni list R BiH", br. 6/92, 8/93 i 13/94), člana 69. Statuta Općine Centar Sarajevo - prečišćeni tekst ("Službene novine Kantona Sarajevo", broj 23/04), člana 13a. stav (1) tačka g) Odluke o osnivanju Javne ustanove Centar kulture i mladih Općine Centar Sarajevo ("Službene novine Kantona Sarajevo", br. 45/17 i 6/18), Općinski načelnik donosi

RJEŠENJE**O RAZRJEŠENJU PREDSJEDNIKA I ČLANOVA
NADZORNOG ODBORA JAVNE USTANOVE CENTAR
KULTURE I MLADIH OPĆINE CENTAR SARAJEVO**

I

Razrješavaju se dužnosti predsjednik i članovi Nadzornog odbora Javne ustanove Centar kulture i mladih Općine Centar Sarajevo, prije isteka mandata, imenovani Rješenjem broj 09/C-30-349/21 od 16.07.2021. godine i to:

1. Selma Hodžić, predsjednik
2. Altijana Hromić-Jahjefendić, član
3. Amila Pandžić, član

zbog neizvršavanja obaveza iz člana 35. Uredbe sa zakonskom snagom o ustanovama i člana 40. i 45. Pravila Javne ustanove Centar kulture i mladih Općine Centar Sarajevo broj 42/18 od 15-02-2018. god., broj 374/18 od 05.11.2018. god. i 598/19 od 11.12.2019. godine, a što je za posljedicu imalo nepravilan rad Ustanove.

II

Općinski načelnik će posebnim rješenjem imenovati privremeni Nadzorni odbor Javne ustanove Centar kulture i

Kantonalne uprave civilne zaštite Bosansko-podrinjskog kantona Goražde.

III

Modularno-stambene jedinice (kontejneri) iz tačke I ove odluke će se koristiti za potrebe smještaja ljudi, kako bi se adekvatno vršile mjere i radnje, koje su Kantonalnoj upravi civilne zaštite Bosansko-podrinjskog kantona Goražde date u nadležnost članovima 28., 42., 48. i 64. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03, 22/06 i 43/10).

IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-49722-24/23
23. novembra 2023. godine
Sarajevo

Po ovlaštenju premijera
Ministar
Zlatko Mijatović, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 8. stav (1) Zakona o lijekovima ("Službene novine Federacije BiH", broj 109/12), a u vezi sa tačkom XXIX Odluke o listi lijekova Kantona Sarajevo ("Službene novine Kantona Sarajevo", broj 43/18, 48/18, 11/21, 26/21, 28/21, 30/21, 4/22, 5/22, 10/22, 20/22, 41/22, 47/22 i 44/23), te u skladu sa Odlukom o Listi lijekova obaveznog zdravstvenog osiguranja Federacije Bosne i Hercegovine ("Službene novine Federacije BiH", broj 106/21, 83/22, 11/23 i 85/23), na prijedlog ministra zdravstva Kantona Sarajevo, Vlada Kantona Sarajevo, na Prvoj sjednici održanoj 23.11.2023. godine, donijela je

ODLUKU

O DOPUNAMA ODLUKE O LISTI LIJEKOVA
KANTONA SARAJEVO

I

(Dopuna Priloga 3. Bolnička lista lijekova)

U Odluci o listi lijekova Kantona Sarajevo ("Službene novine Kantona Sarajevo", broj 43/18, 48/18, 11/21, 26/21, 28/21, 30/21, 4/22, 5/22, 10/22, 20/22, 41/22, 47/22 i 44/23), u Prilogu 3. u Bolničkoj listi lijekova, u odjeljku a) Lista lijekova koji se primjenjuju u ustanovama primarnog nivoa zdravstvene zaštite na teret sredstava obaveznog zdravstvenog osiguranja, u tabeli, prije kolone "Smjernice za upotrebu" se dodaje nova kolona koja glasi "Cijena".

U novoj koloni "Cijena" se utvrđuju jedinične cijene, bez uračunatog PDV-a i ugovorne marže, pod rednim brojevima kako je ispod navedeno i glase:

R.b. 2-7,94	R.b. 49-0,75	R.b. 73-1,29
R.b. 3 -0,77	R.b. 53-1,47	R.b. 99-0,45
R.b. 5 -0,90	R.b. 57-3,39	R.b. 101-1,15
R.b. 9-0,39	R.b. 61-1,15	R.b. 105-0,42
R.b. 22-1,95	R.b. 63-2,90 (za solu)	R.b.117-6,05
R.b. 30-1,94	R.b. 66-7,99 (za depo)	R.b. 125-1,98
R.b. 35-2,11	R.b. 68 -5,46	R.b. 126-1,66
R.b. 37-2,22	R.b. 69-29,81	R.b. 131-0,23
R.b. 39,0,90	R.b. 70-2,15	
R.b. 41-4,38	R.b. 72 -5,46	

II

(Izrada prečišćenog teksta)

- Zadužuje se Ured za zakonodavstvo Kantona Sarajevo da u roku od dva mjeseca izradi prečišćeni tekst Odluke.
- Izuzetno, Komisija za stavljanje i skidanje lijekova sa liste lijekova Kantona Sarajevo će Uredu za zakonodavstvo Kantona Sarajevo pružiti stručnu pomoć u pogledu izrade prečišćenih priloga Odluke.

III

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-49722-30/23
23. novembra 2023. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na Prvoj sjednici održanoj 23.11.2023. godine, donijela je

ODLUKU

O DAVANJU SAGLASNOSTI NA PRAVILNIK O
IZMJENI PRAVILNIKA O UNUTRAŠNJOJ
ORGANIZACIJI MINISTARSTVA ZA RAD,
SOCIJALNU POLITIKU, RASELJENA LICA I
IZBJEGLICE KANTONA SARAJEVO

I

Daje se saglasnost na Pravilnik o izmjeni Pravilnika o unutrašnjoj organizaciji Ministarstva za rad, socijalnu politiku, raseljena lica i izbjeglice Kantona Sarajevo, broj 13-05/1-30-41868/23 od 20.11.2023. godine.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-49722-31/23
23. novembra 2023. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 -Novi prečišćeni tekst i 37/14 - Ispravka), člana 29. Zakona o državnoj službi u Kantonu Sarajevo ("Službene novine Kantona Sarajevo", broj 31/16 i 45/19), člana 48. Pravilnika o unutrašnjoj organizaciji Ministarstva za nauku, visoko obrazovanje i mlade Kantona Sarajevo ("Službene novine Kantona Sarajevo", broj 22/21, 8/22 i 46/22), a u vezi sa Zaključkom Vlade Kantona Sarajevo, broj 02-04-51323-71/22 od 29.12.2022. godine, Vlada Kantona Sarajevo, na Prvoj sjednici održanoj 23.11.2023. godine, donijela je